

۲۱ ذی الحجه ۱۳۳۶

جنبه ایرانی

۲۸ ايلول ۱۳۳۴

صاحب امتیاز و مدیر مسئول حسن کاظم

ملک عثمانیه - امت اسلامیة ایچون مفید
اولان آثاره صحیفه لرسن آچیقدر . درج
ایدلجان اوراق اعاده ایدار .

مطبعه و اداره خانه می : استانبول باب عالی
جوارنده ابوالسعود جاده می نوسرو ۷۵
اصحاب مراجعانه هرباعت آچیقدر



شیمیدیلک هفته ده بر نشر اولنور .

سر تحریری : مصطفی فوری

تاریخ تاسیسی ۱۳۲۷ سنه شمیری

سنه لك اعتباريله ممالك شاهانه ایچون پشین
اوله رق ۱۲۰ آلتی آلتی ۶۰ فروش
ومالك اجنبیه ایچون ۳۰ فراتقدر

۱۰۰ پاره

نسخه سی

تعمیمی ، دینی ، اخلاقی ، ادبی ، سیاسی جریده اسلامیة در

نوسرو ۱۵۰

موهظه

قوجه مصطفی پاشاده حضرت پیر سنبل سنان (قدس سره) خافاه شریفنده تقریر اولنان تصوف درسلی منظوم بر مقدمه ایله حد وثنای بعدالاداء، انسان، حسیاتی ادراکه مقتدر بر سنه واصل اولور اولماز مهمل بر اولدیغنی بر سائق مخصوصک سوقیله دنیا به کیش اولدیغنی تمذیره باشلايه جنی جهته او تار یغدن اعتباراً خالق بیلمک سعادت تعقیب و تخری به فالقی شیر و بومقصدی الیه ایتک ایچون ده یا نظر واستدلال و یا خود مجاهده و ریاضت نفس طریق تعقیب ایلر.

نظر واستدلال طریقته سالک اولنلر ایکی به آریلوب برنجیسی، بولنده بر شریعت تمسک ایدنلر، ایکنجیسی بر شریعت تابع اولمق سزین کندی عقلنک مقتضایه عامل اولوب کیدنلردر که، شریعت تمسک ایدنلر (متکلمین) متمسک شریعت اولیانلر ده (حکمای مشائیون) نامی ویرلمکده در. مجاهده و ریاضت نفس طریقته سالک اولنلر ده ایکی فرقیه آریلوب. بری، مجاهده و ریاضت برنجی شریعت توفیق ایدنلر دیکری مجاهده و ریاضت برنجی هبیج بر شریعت توفیق ایتیویده یالکنز ثمره ریاضت اولان کشف و اشراق ایله اکثفا ایلانلر ده. بونلر ده برنجیسنه (صوفیه) ایکنجیسنه (حکمای اشراقیون) نامی ویرلمشدر. شوق سیمه کوره صوفیه مخصوص اولان تصوف علییه علوم شرعیه میانه داخلدر. بوعلمک اصل و ماهیتی حقده تعریفات عدیده ایراد اولنمشدر.

بعضیلرینه کوره (تصوف) (فقر) دن عبارتدر و تصوفک ماهیته فقر داخل اولوب تصوف فقر ایله قائمدر (لکن شی مفتاح الجنه حب المساکین و الفقرا الخ) حدیث شریفیه اشارت بیوریلان فقرادن مراد بو طائفه مسعوده در جیند حضرتلری تصوف، علاقه سز اوله رق الله ایله برابر بولمق در بیورمشلردر که جسماً روحاً قلباً قالبا عالم حضور مستقریت دیمک اولان سالکک بوحالی:

موبوم دوست شد ترسم که استملای عشق
بک انا الحق کوی دیگر بر سردار آورد

بیننده تصور اولنان درجه علیایی بولمق ایله تحقق ایدر معروف حضرتلری ده تصوف، حقایقه صاریلوبده خلقتک تمک و قدرتمده بولنان مرشی دن نفسه یأس حاصل ایندیرمکدر بنامعلیه فقری تحقق ایتمیان کیمسه ده تصوف ده تحقق ایتمز بیورمشلردر. بعضیلری ایسه تصوف خلقتدن بالانفراد عبادته دالوب اعتکاف ایتک والله صاریلوب

دنیا نك اسباب زیب وزینتدن واز کچمکدر. دیو تعریف ایتمشلر، بوشرفی احرازه موفق اولنلرک نظر نده دنیا و مافیاتهک قطعاً قدر و قیمتی اولیه جغندن حافظ ضرزینک:

دوریشم و کدا و برابر نمیکنم
بشمن کلاه صویش بصد تاج خسروی
یتی ایله خواسته کر ماینک

پیش صاحب نظران ملک سلیمان یاداست
بلکه آنسیت سلیمان که زملاک آزاداست

کلامی بو مقامی احراز ایتش اعظم صوفیه نك بر و سف حالیدر
اوله یا!

کداسی کوی عشقک شاه و ماهه سرفرو ایتمز
اسیر اولمق کبی نورس کمتر عشقه دولت یوق

ابوحفص عمر ابن سلمه ذخی تصوفی باشقه بر صورتله تعریف ایدوب بیورمشلردر که: تصوف، صراپا ادابدن عبارتدر ادابی التزام ایدن کیمسه درجه رجاله واصل اوله جنی کبی ادابی ضایع ایدن کیمسه ده قرب و قبول نقطه سندن بعید و مردود در ظاهرده کی حسن ادب باطنده کی حسن ادبک عنوانیدر نه کیم بی محترم صلی الله علیه و سلم افندمز حضرتلری (خشوع قلبنه مالک اولان خشوع جوارحه ده مالک اولور) بیورمشلردر. مابعدی وار

مقرری
دارالحکمة الاسلامیه اعضاضندن
حیدری زاده ابراهیم

محرری
شیخ ناجی

سیاسی:

مدنیت، انسانیت

درت سنه دنبری محضاً مثلنلرک حریت، مدنیتک ترقی و تعالیسی، انسانیتک تغلیصی ایچون حرب ایتمکده اولدقلرخی سویلمکدن بردلو واز کچه میسان اشتلاف دولتلری حالاً اونقرانی تکرار ایتمکدن اوتانمبورلر.

روسیه ایله عقد صلح اولندقدن صکره بولشه و یکی حکومتی طرفندن نشر اولنان معاهدات خفیه دشمنلریمزک حرب نه کبی بیوک قاپلرله، فصل ضبط و استیلا مقصدلرله کیرمش اولدقلرخی بتون عالمه کوسترمش. همان مر طرفده بوکا قطعاً قناعت حاصل اولمش بولندی حالد ینه حریت و مدنیت ایچون حرب ایتدکلرخی ادعا ایدن مخاصمه لریمزه نه دیمک لازم کلدیکتی بردلو تقدیر ایدم میورز. انکلتزه، آلمانیا نك بلعقیایه تجاوز ایتدیکی بهانه سیله حرب